



小學集成

五

□ 13  
3193  
5/





3193  
5

標題註疏小學集成卷之九

石澤齋藏

善行第六之上

外篇

善行總序見嘉言篇首

標題

本篇凡八十一章實立教八條實明倫四十五條實敬身二十

八條

實立教一  
呂氏家傳

呂榮公名希哲字原明申國正獻公之長子

長上聲後並同○  
居萊州主汴京稱南北宅南宅呂龜圖生承  
相文穆公名蒙正文穆九子北宅龜祥生蒙  
亭蒙亭生丞相文靖公東簡封申國公文靖  
第四子丞相正獻公名公著字晦  
叔亦封申國公所謂大小申公也  
家簡重寡默不以事物經心而申國夫人性

昭和十六年三月五日寄  
石澤介吉氏贈



嚴有法度

申國夫人曾氏參政宗道之女生

爵長

雖甚愛公然教公事事循蹈規矩甫十

歲祁寒暑雨侍立終日不命之坐不敢坐也

且必冠帶以見長者

見音現冠去聲

平居雖甚熱在

父母長者之側不得去巾襪縛袴衣服唯謹

夫

上聲後同

○

標題

縛袴語出宋書沈慶之

衣服履屐縛袴宋主曰卿乃急裝又齊主寶

卷當着急裝乘馬驅馳○縛字從糸從專柱

究反說文繞也又鮮色字出周禮左傳爾雅

正文皆音篆惟天官內司服註文劉音

穎又云字今作穎若從糸從專休約反

出入無得入茶肆酒肆市井里巷之語鄭衛

之音未嘗一經於耳不正之書非禮之色未

嘗一接於目正獻公通判潁州歐陽公適知

州事標題潁州宋政和六年改順昌府今復

名潁州歐陽名脩字永叔吉州永豐人

宋英宗朝參知政事謚文忠生於綿長於隨

老於潁皇祐元年歐公知潁州曰公通判州

事按公遺事公焦先生千之伯強客文忠公

所嚴毅方正正獻公招延之使教諸子標題

集有送焦千之秀諸生少有過差先生端坐

召與相對終日竟夕不與之語諸生恐懼畏

伏先生方畧降詞色時公方十餘歲內則正



獻公與申國夫人教訓如此之嚴外則焦先  
生化導如此之篤故公德器成就大異衆人  
公嘗言人生內無賢父兄外無嚴師友而能  
有成者少矣標題按小學外篇多引呂氏如  
正獻公榮公及舜從呂舍人居  
至東仁即一門祖孫正獻公生三子長希哲即榮  
萊六公次希績字紀常次希純字子進榮公生三  
代榮子長好問字舜徒次疑問字舜從次切問字  
公夫舜察舜徒生四子長本中字居仁即舍人次  
人張揆中次朔中次用中舜察生一子曰愷中朔  
氏舜中生太器太器生祖謙即東萊先生呂舍人  
徒即有雜志童蒙訓東萊先生有小學辨志錄此  
東萊北宅呂氏世系太畧誦其書者尚有考焉考  
異耶律氏曰伊洛淵源錄童蒙訓文皆小異  
各臣事實文同載出家傳舊本無度字本

皆有本文皆作并里舊本作里并舊本無文  
忠二字各臣事實有童蒙訓作少舊本作小  
與之作相之者非  
近思錄衆字作於

呂榮公張夫人待制諱暹之之幼女也暹音  
温又

鳥沒反暹字從日從皿勾覆也温字同以物  
覆皿則温舊說從囚非或從日從皿音舉○  
范文正公爲參政取班簿視不才監  
司一筆勾去更用杜杞張暹之輩最鍾愛

然居常至微細事教之必有法度如飲食之  
類飯羹許更益魚肉不更進也時張公已爲

待制河北都轉運使矣使去下及夫人嫁呂氏

夫人之母申國夫人姊也張待制呂申公皆  
魯肅簡公之婿

呂氏  
童蒙  
訓

二



一日來視女見舍後有銅釜之類大不樂音洛

禾反樂謂申國夫人曰豈可使小兒輩私作音洛

飲食壞家法邪其嚴如此邪以遞反考異邪律氏曰來字本或

作家者非

唐陽城為國子司業陽城字元宗唐定州人引諸生告

之曰凡學者所以學為忠與孝也諸生有久

不省親者乎省悉明日謁城還養者二十輩

養去有三年不歸侍者斥之

安定先生胡瑗字翼之標題胡安定上世居陵州故望從安定先

墓表

生秦州如皋人今本州有安定書院葬湖州烏程縣按蔡君謨作墓誌宋景祐中為蘇湖二州教授皇祐末年為國子直講管勾大學嘉祐初天章閣待制仍領學事患隋

唐以來仕進尚文辭而遺經業苟趨祿利及

為蘇湖二州教授嚴條約以身先之先去雖

大暑必公服終日以見諸生嚴師弟子之禮

解經至有要義慷慨為諸生言其所以治已

而後治平人者學徒千數日月剗為文章

皆傳經義必以理勝信其師說敦尚行實

狠反為去聲剗古殺反剗後為太學四方歸

小學九

四

治字合音持



已上  
蔡君  
謨墓  
誌語

之庠舍不能容其在湖學置經義齋治事齋

經義齋者擇疏通有器局者居之疏音治事

齋者人各治一事又兼一事如治民治兵水

利算數之類其在大學亦然附錄朱子曰胡

非獨只理會這此一如所謂頭容直足容重手

容恭許多話語都是本原安定規模雖少陳

然却廣大著實標題熊氏曰蘇春秋吳郡漢

順帝永建四年析會稽立吳郡隋平陳因郡

有姑蘇山改名蘇州宋徽宗政和三年外平

江府今平江路湖亦吳郡孫皓立郡名吳興

隋仁壽四年因郡有大湖改名湖州宋理宗

寶慶二年改安吉州今安吉路湖學乃宋仁

宗特勝宗諒知湖州時建延安定為師寶元

元年太學下湖州取其學法經義治事齋按

周禮中義有劉彝執中自序云於湖州學從

安定先生初授周禮即經義齋又治水水利即

治事齋也其弟子散在四方隨其人賢愚皆循循

雅飭其言談舉止遇之不問可知為先生第

子其學者相語稱先生不問可知為胡公也

已上  
歐陽  
公墓  
表語

附錄或問安定學甚盛何故無傳朱子曰當

時所講不止此只此門人受去做官死後便已

嘗言劉彝善治水所至興水利○愚按言行

錄載公在蘇湖二州教學者必以明體適用

為本初公與孫明復石守道同讀書泰山改

苦食淡終夜不寢一坐十年不歸得家問見

上有平安二字即投之澗中不復展讀其在

湖學經義治事有齊仁宗朝劉彝賜對上問

曰卿師何人彝對曰臣少從學於安定胡先

生瑗瑗以道德仁義教東南諸生臣聞聖人



之道有體有用有文君臣父子仁義禮樂歷世不可變者其體也詩書史傳垂法後世者其文也舉而措之天下能潤澤其民歸于皇極者其用也國家累朝取士不以體用為本而尚聲律浮華之詞是以風俗偷薄臣師瑗當寶元明道之間以體用之學授諸生故今學者明夫聖人體用以為政教之本者臣師之力也考異耶律氏曰東見錄作治道齋舊本作治事熊氏作皆傳經義

五

明道先生言於朝曰朝音潮下治天下以正

風俗得賢才為本纂疏方氏曰君上所化謂之風民下所謂謂之俗

宜先禮命近侍賢儒及百執事悉心推訪有

德業克備足為師表者其次有篤志好學材

良行修者延聘敦遣萃於京師好去聲萃秦醉反俾

朝夕相與講明正學其道必本於人倫明乎

物理纂疏葉氏曰大而人倫微而物理皆道之體也其教自小學灑

掃應對以往修其孝悌忠信周旋禮樂旋似宜反

其所以誘掖激勵漸摩成就之道誘音有掖音亦

皆有節序其要在於擇善修身至於

化成天下自鄉人而可至於聖人之道纂疏葉氏

曰誘掖引而進之激厲作而興之漸摩則有

漸成就則周足擇善者致知格物也脩身者誠意正心脩身也化成天下者齊家治國平天下也鄉人鄉里之常人孟子曰我猶未免

文集 係文 二卷 請修 學校 尊師 儒取

士節 子節 文

對人 本 士 國 文



為鄉人其學行皆中於是者為成德行中皆

取材識明達可進於善者使日受其業擇其

學明德尊者為大學之師次以分教天下之

學纂疏葉氏曰所學所行中乎是者謂擇善

擇士入學夫材識明達可與適道者使受學於成

士入學縣升之州州賓興於大學大學聚而

教之歲論其賢者能者於朝論去聲○纂疏

凡選士之法皆以性行端潔

居家孝悌有廉恥禮讓通明學業曉達治道

者纂疏葉氏曰以此選士則通於理而適於

記誦取士者有間矣考異耶律氏曰近思錄

有俾字舊本無聖人之道舊本作聖人之遜

伊川先生看詳學制標題元祐初伊川充崇

禎臨及國子監長貳看詳國子監條制文大

集有禮部駁問數件先生所定大槩如此大

槩以為學校禮義相先之地而月使之爭殊

非教養之道請改試為課有所未至則學官

召而教之更不考定高下制尊賢堂以延天

下道德之士鑄解額以去利誘鑄于泉反○

設教之地禮遜為先標題熊氏曰解額按州

郡貢士舊無定額宋真宗大中祥符八年因

六  
文集

以下  
本文  
集選  
士及  
國子  
說



諸道貢舉人數減於常年始立額州郡貢士有定額後或特前增放省繁文以

專委在勵行檢以厚風教及置待賓吏師齋

立觀光法如是者亦數十條朱子曰明道集附錄

中所論學制最為有本每讀其書觀其論講

學處未嘗不慨然發歎恨不生於彼時也伊

川元祐所定條制立尊賢堂之類亦是此意

或問後世人材不振士風不美在於科舉之

法然使便用明道賓興之論伊川看詳之制

則今之任學校者皆由科舉中出豈能遽變

而至道哉朱子曰明道所言始終本末次序

甚明伊川立法姑以為之兆耳然欲變今而

從古亦不過從此規模以漸為之其初不能

不費乃矯揉久之成熟則自然不變矣纂疏

葉氏曰尊賢謂道德可矜式者待賓謂行能

可賓敬者吏師通於治道可為吏之師法也

三者皆才德過人首延禮之使士人知所向

慕次乃立檢察士行之法標題熊氏曰遺書

附錄文同

七

呂氏藍田呂氏標題藍田秦縣名在京兆府呂氏

大鈞字和叔次鄉約曰凡同約者德業相勸

大臨字與叔本註德謂見善必行聞過必改能治其身能

治其家能事父兄能教子弟能御僮僕能事

長上能睦親故能擇交遊能守廉介能廣施

惠能受寄託能救患難能規過失能為人謀

能為眾集事能解鬭爭能決是非能興利除

害能居官舉職業謂居家則事父兄教子弟

待妻妾在外則事長上接朋友教後生御僮

僕至于讀書治田營家濟物好禮樂射御書

去聲

此之類皆為無益過失相規本註犯義之



庚 晉音

闕訟二曰行止踰違三曰行不恭遜四曰言不忠信五曰造言誣毀六曰營私太甚不脩之過一曰交非其人二曰游戲怠惰三曰動作無儀四曰臨事不恪五曰用度不節附錄朱子曰酬謂縱酒喧競博謂賭博財物闕謂闕馭罵詈訕謂告人罪惡意在害人誣賴爭訖得已不已者皆酬博闕訟之過踰禮違法衆惡皆是行止踰違之過侮慢齒德持人長短恃強凌人知過不改聞諫愈甚此行不恭遜之過或為人謀事陷人於惡或與人要約退即背之或妄說事端熒惑衆聽此言不忠信之過誣人過惡以無爲有以小爲大面是背非或作嘲詠匿名文書及發揚人之私隱無狀可求及喜談人之舊過者此造言誣毀之過與人交易傷於培克專務進取不恤餘事無故而好于求假貸受人寄託而有所欺此營私太甚之過所謂犯義之過六是也交非其人者所交不限士庶但凶惡及游惰無行衆所不齒者而已朝夕與之游戲怠惰者游謂無故出入及謁見人止務閑適者戲謂戲笑無度及意在侵侮或馳馬擊鞠而不賭財物者怠惰謂不脩事業及家事不洽門庭不潔者也動作無儀者謂進退太踈野及不恭者不當言而言及當言而不言衣冠太華飾及全不完整不衣冠而入街市是也臨事不恪者主事廢忘期會後時臨事怠慢也用度不節者謂不計有無過爲多費者不能安貧非道營求者所謂不脩之過五也

各反 恪口

### 禮俗相交

**本註**謂婚姻喪葬祭祀之禮往還書問慶弔之節

### 患難相

### 恤

難去聲恤辛事反○**本註**一曰水火二曰盜賊三曰疾病四曰死喪五曰孤弱六曰

評枉七曰貧乏附錄朱子曰水火小則遣人救之甚則親往多率人救且用之盜賊近者同力追捕有力者爲告之官司其貧家則爲之助出募賞疾病小則遣人問之甚則爲訪



醫藥貧則助其養疾之費死喪闕人則助其  
賻音幹辦之財則賻贈借貸孤弱孤遺無依者若  
附貨能自贖則為之區處積其出內或聞於官司  
音八或擇人教之及為未婚姻貧者吐力濟之無  
內通令失所若有侵欺之者衆人加為之辨理若  
作納稍長而放逸不檢亦防察約束之無令隕於  
不義誣枉有為人誣枉過惡不能自伸者勢  
可以聞於官府則為言之有友畧可以以救解  
則為解之或其家困而失所者衆共以財濟  
之貧乏有安貧守分而生計太不足者衆以  
財濟之或為之假貸置產以歲月償之

違約者亦書之三犯而行罰不悛者絕之

緣反○纂疏京兆李氏曰若及悛止也按子  
朱子所定鄉約云今取他書及附已意稍增  
損之以通于今而又為月旦集會讀約之禮  
愚於此書既不取依子朱子所定而損其本

文則亦不敢取其所以增之文止將過失相規  
患難相卹詳說撫而疏之各條之下使讀者  
易通曉焉考異耶律氏曰本文註俸僕下有  
能肅政教四字患難下有能導人為善五字  
規下有有人字謀下有有事字濟物下有畏法令  
謹租賦六字舊本皆無今去其如此慶弔本  
或作憂弔者非

出伊川所  
作明道行  
狀及建康  
祠堂記文  
明道先生教人自致知至於知止誠意至於  
平天下洒掃應對至於窮理盡性循循有序  
病世之學者捨近而趨遠處下而闕高所以  
輕自大而卒無得也處音杵闕音窺○纂疏  
之道本未備具而傷序漸進惟恐學者  
厭卑近而務高遠輕自肆而實無得也



右實立教

八條京兆李氏曰首二章實

教後一章實師弟子之

江革少失父

少去聲後惟少懈少止少頃少

漢歸海人

獨與母居遭天下亂盜賊並起

革負母逃難

去聲備經險阻

徐牽

常採拾以為養數遇賊或劫欲將去

聲後惟惠養如字餘並同數音

革輒涕泣求

哀言有老母詞氣愿款有足感動人者

愿音

居管

賊以是不忍犯之或乃指避兵之方遂

得俱全於難轉客下邳窮貧裸跣行傭以供

母便身之物莫不畢給

裸音果反跣音容

李氏曰處常為易而處變為難處他人為易

而家為難在古則易而居衰世為尤難若江

革薛包諸子之行可謂衰世之中善處變而

能盡乎孝者也史傳載之獨行非子朱子表

而出之又何以為人子之勸哉

年革與母歸里里人稱曰江巨孝

氏曰舊本作不忍殺之

後漢 劉平 傳存 注華 嶠之 辭上

薛包好學篤行

好去聲後同行下孟反後同

南人安帝建光元年公車徵至拜侍中包性

恬虛稱疾不起賜告歸年八十餘以壽終

父娶後妻而憎包分出之包日夜號泣不能



文連  
毛義  
捧檄  
事

去至被毆杖不得已廬于舍外號音豪後悲

毆音嘔且入而洒掃父怒又逐之乃廬於里

門晨昏不廢積歲餘父母慚而還之後服喪

過哀既而弟子求分財異居包不能止乃中

分其財奴婢引其老者曰與我共事久若不

能便也田廬取其荒頓者熊氏曰若汝也指

狀曰吾少時所理意所戀也器物取其朽敗

者曰我素所服食身口所安也弟子數破其產

輒復賑給復去聲戀龍眷反數所角反○纂

分如魚依水不能斯須相離也離則冠矣兄

之於弟分形連氣如手之與足不能不相愛

也不相愛則傷之者至矣包之不幸始也父

出之積歲餘而始還之終也弟子分異之雖

甲分其財卒復賑給之可謂善處所難而不

失其正後世父子異居以為順命兄富弟貧

不相救濟以為衣食各異者其可哉考異耶

律氏曰舊本作晨昏本傳作昏晨其朽舊本

或有其字史傳皆無

三  
晉書  
列傳  
及司  
馬溫  
公家  
範

王祥王祥字休徵初仕魏後性孝蚤喪親繼

母朱氏不慈數譖之由是失愛於父每使掃

除牛下祥愈恭謹父母有疾衣不解帶湯藥

必親嘗母嘗欲生魚時天寒水凍祥解衣將

小學九



剖冰求之冰忽自解雙鯉躍出持之而歸謂

禁反解胡買母又思黃雀炙炙之夜反復有雀數

十飛入其幕復以供母鄉里驚嘆以為孝感

所致有丹柰結實母命守之每風雨祥輒抱

樹而泣其篤孝純至如此附錄朱子曰王祥

此物感於彼王祥自是王祥魚自是魚世間

事雖千頭萬緒其實只一箇道理理一分殊

之謂也到感通處自然首尾相應或自此發

出而感於外或自外來而感於我皆一理也

標題按本傳作琅琊臨沂人五子肇夏馥烈

芬第覽族孫戎考異耶律氏曰蚤或作早舊

本無衣字本傳有舊本作冰本

傳作水舊本作立本傳作泣

四晉書

孝友

傳司

馬昭

為安

東將

軍

孝友

詩小

王裒字偉元裒蒲侯反父儀為魏安東將軍

司馬東關之敗魏嘉平四年吳諸葛恪昭問

於衆曰近自之事誰任其咎儀對曰責在元

帥帥所類反昭怒曰司馬欲委罪於孤邪遂引出

斬之裒痛父非命於是隱居教授三徵七辟

皆不就廬于墓側旦夕常至墓所拜跪攀柏

悲號涕淚著樹樹為之枯辟音必著直略反

後欲為為營為買讀詩至哀哀父母生我劬

勞未嘗不三復流涕門人受業者並廢蓼莪

小傳



雅篇名

之篇音六家貧躬耕計口而田度身而蠶

度入或有密助之者哀皆不聽及司馬氏纂

魏哀終身未嘗西向而坐以示不臣于晉初

患反○附錄朱子曰王儀為司馬昭軍師昭

殺之雖無辜哀仕晉猶有可說而哀不仕乃

過於厚者標題司馬氏懿生師師生昭昭生

炎昭即安東將軍炎於魏咸熙二年廢元帝

為陳留王炎乃晉世祖武帝追謚司馬昭曰

文帝考異耶律氏曰敗本傳作役者或作菓

五

晉書孝友傳

晉西河人王延事親色養標題晉司馬氏西

州治西河縣○王延字延元繼母上氏盛各

令延來魚延於汾河呼冰哭有魚夏則扇枕

席冬則以身温被隆冬盛寒體無全衣而親

極滋味考異耶律氏曰本或作

柳玼柳玼字直清唐曰崔山南昆弟子孫之

盛鄉族罕比崔山南昆弟唐世系博陵第一

年高無齒祖母唐夫人事姑孝每旦櫛縱笄

拜於階下即升堂乳其姑長孫夫人不粒食

數年而康寧一日疾病長幼咸萃宣言無以

及崔家訓

六

柳氏家訓

及崔家訓

澹傳

律山南西

道節度

山南曾祖王母長孫夫人

小學



七

報新婦恩願新婦有子有孫皆得如新婦孝敬則崔之門安得不昌大乎

南史 孝友 傳

南齊庾黔婁為辱陵令黔其廉及辱鈕山及令去聲○標題南齊

蕭氏庾易字幼簡二子長曰黔婁字子貞次於陵次有吾辱陵漢縣名今江陵府公安縣

到縣未旬父易在家遘疾遘古黔婁忽心驚

舉身流汗即日棄官歸家家人悉驚其忽至

時易疾殆二日醫云欲知差劇差楚懈及後同劇奇逆反

但嘗糞甜苦易泄利黔婁輒取嘗之味轉甜

滑心愈憂苦至夕每稽顙北辰求以身代徒

廉及積音落額蘇朗又○附錄或問小學載

庾黔婁父病每夕稽顙北辰求以身代數日而愈果有此應之之理否朱子曰禱是正禮自含有應不可謂知其無是理而姑為之考

異耶律氏曰舊本只作一歌字本傳作輒取嘗

海虞令何子平海虞晉縣名隋併之今蘇州常熟縣何子平劉宋時會稽人

母喪去官哀毀踰禮每哭踊頓絕方蘇屬

大明末大明宋孝武帝年號按大明八年至宋明帝泰始七年凡八年是年蔡興宗薨會稽太守舉東土饑荒繼以師放八年

郭原平等孝行不得營葬晝夜號哭常如祖括之日號音豪祖音但

冬不衣絮衣去聲後衣絹同夏不就清涼一日以米

免括祖初

八

南史 宋孝 義傳

海虞令何子平海虞晉縣名隋併之今蘇州常熟縣何子平劉宋時會稽人

母喪去官哀毀踰禮每哭踊頓絕方蘇屬

大明末大明宋孝武帝年號按大明八年至宋明帝泰始七年凡八年是年蔡興宗薨會稽太守舉東土饑荒繼以師放八年

郭原平等孝行不得營葬晝夜號哭常如祖括之日號音豪祖音但

冬不衣絮衣去聲後衣絹同夏不就清涼一日以米

免括祖初



蔡興宗字

興宗

會稽

今越

朱壽昌

昌遺事

數合為粥不進鹽菜所居屋敗不蔽風日兄

子伯興欲為葺理葺七子平不肯曰我情事

未申天地一罪人耳屋何宜覆蔡興宗為會稽

太守甚加賞為營家壙會音膾覆夫救及冢

朱壽昌舊有本生七歲父守雍朱壽昌字康

相識者五十年壽昌行四方求之不巳飲食

琴御酒肉與人言輒流涕熙寧初熙寧宋神

棄官入秦與家人訣誓不見母不復還行次

同州得焉劉氏時年七十餘矣同州漢馮翊

東坡母士大夫多以歌詩羨之東坡為序李大恨

序云之東坡詩云嗟君七歲知念母怜君壯大心

朱壽愈苦羨君臨老得相逢喜極無言淚如雨不

昌即羨白衣儂三公不愛白日生青天愛君雍守

中刺五十着絲服兒啼却得償當年云云

錢明逸以事聞詔壽昌還就官繇是天下皆

知其孝標題雍漢京兆晉魏隋及唐初改為

守至是以母故通判河中府迎其同母弟妹

以歸居數歲母卒滄泣幾喪明壽昌再為郡

蜀之於

母得

血寫

經未

之於

蜀



河中府歸後母卒白鳥集墓服除又知鄂州河中本蒲州唐開元八年名河

中拊其弟妹益篤為買田居之其於宗族尤

盡恩意嫁兄弟之孤女二人葬其不能葬者

十餘喪蓋其天性如此諛音決緣音由拊音府○考異耶律氏曰

舊本作數字本文作七一本作揚州者非

蘇李明錄

伊川先生家治喪不用浮圖在洛亦有一二

人家化之附錄或問治喪不用浮屠或親意欲用之不知當如何處朱子曰且

以委曲開釋為先如不可回則又不可

漢書列傳

霍光出入禁闥二十餘年闥音撻○標題光

霍仲人以兄任為郎仕至宰相禁闥官中小門小心謹慎未嘗有過為

子長去病人沉靜詳審每出入下殿門止進有常處郎

僕射竊識視之不失尺寸下胡駕反射音夜後僕射並同識音

志考異止進本或作進止字

汲黯景帝時為太子洗馬汲音吉黯乙減反洗私見反○黯字

長藩漢陽人漢制洗馬官各秩如謁者以嚴見禮憚音但武帝即位

召為主爵都尉以數直諫不得久居位是時

太后弟武安侯田蚡為丞相中二千石拜謁

蚡弗為禮黯見蚡未嘗拜揖之數音朔蚡扶粉反說

中二千石月俸百八

前漢本傳



武帝諱徹景帝中子七歲立

為太子十六歲即位封太后王氏同母弟田  
蚡勝皆上方招文學儒者上曰吾欲云云

古註云云猶黠對曰陛下內多欲而外施仁  
言如此此如此

義奈何欲效唐虞之治乎纂疏真氏曰夫堯舜無欲者也武帝

好征伐好聲色好刑名好財利好神仙多欲  
者也多欲則邪念紛紜本心流蕩而欲效唐

虞施仁上怒變色而罷朝公卿皆為黠懼上  
義得乎

退謂人曰甚矣汲黯之黠也驚陸絳反羣臣或數

黠數所黯曰天子置公卿輔弼之臣寧令從  
主反

諛承意陷主於不誼乎彌房密反諛音逾

仲舒及尹賞傳且已在位縱愛身奈辱朝廷何黠多

疾病且滿三月上常賜告者數終不瘳或數

所具反者數之數所角反瘳與愈同標題

滿三月賜告按漢律二千石有予告賜告在  
官有功最得予告歸病滿三月當免所居官

特恩優賜其告予告得歸賜告不歸休謂之  
名告曰告

人也曰使黯任職居官亡以瘳久然至其輔  
內曰寧也

少主守成雖自謂賁育弗能奪也上曰然古

有社稷之臣至如汲黯近之矣亡音無瘳與愈同少去聲

賁音奔標題莊助會稽人東漢有莊光子  
陵後避明帝諱史改莊為嚴賁音古之有力



廟說者孟賁也

文淵夏育

大將軍青侍中上踞廁視之丞相弘

宴見上或時不冠至如見黠不冠不見也

過及後入見見帝不見見臣見並同廁初吏及

○標題衛青字仲卿姊為皇后黠與尤禮或

曰大將軍尊重不可不拜黠曰大將軍有揖

客及不重耶青聞益賢之○黠列九卿時

公孫弘為小吏及弘為丞相黠見武帝曰陛

下用羣臣如積薪後來者居上○愚按說文

廁溷廁也古者天子見大臣御坐為起武帝

膝前見大將軍不冠見丞相輕之甚矣然不

冠不見黠禮貌雖至信上嘗坐武帳武帳孟

用不篤貌親而情疎也

兵衛 贖前奏事上不冠望見黠避帷中使人

可其奏其見敬禮如此

纂疏京兆李氏曰人

犯而為忠乎有犯者處變之道人臣所不得

已也與其有欺不若其有犯而為愈也故孔子

立五諫以驚為下汲黯之諫武帝蓋以是哉

然武帝之怒汲黯非厚之也特惡其剛直激

尤揚已之過爾情乎徒知敬禮而不能用其

言卒為多慾之君也考異耶律氏曰孝景舊

十三

北史

本傳

通鑑

文小

異

初魏遼東公翟黑子有寵於太武奉使并州

受布于定事覺使去聲後因使同○標題拓

始自立姓為元氏太武黑子謀於著作郎高

世祖燾并州河南人原黑子謀於著作郎高

允曰主上問我當以實告為當諱之為去聲

誰為為賊為之並同○高允字伯恭少時崔

宏嘆曰高子黃中內潤文明外照一代偉器



也允事魏太武文成獻文三朝允曰公惟幄寵臣有罪首實

庶或見原不可重為欺罔也幄於角反首舒

罪自陳也聲○首有中書侍郎崔鑒公孫質曰若首實

罪不可測不如姑諱之黑子怨允曰君奈何

誘人就死地人見帝不以實對帝怒殺之帝

使允授太子經太武帝長子晃延和元年立

平元年薨太武嫡孫立是為文成帝追尊父晃為景穆帝及崔浩以史事

被收崔浩字伯深崔宏之子有鑒識明元太

加庶音成庶音二十卷令史閣湛等讀浩請立石以彰

筆人有忿毒者構浩於太武浩太子謂允曰

入見至尊吾自導卿脫至尊有問但依吾語

太子見帝言高允小心慎密且微賤制由崔

浩請赦其死帝召允問曰國書皆浩所為乎

對曰臣與浩共為之然浩所領事多總裁臣

至於著述臣多於浩帝怒曰允罪甚於浩何

以得生太子懼曰太威嚴重允小臣迷亂失

次耳臣臯問皆曰浩所為帝問允信如東

官所言乎東官太子對曰臣罪當滅族不敢虛

東官左傳語出東官

國書亦作國記

東官語出



得臣齊太

妾殿下以臣侍講日久哀臣欲旬其生耳

音勰

向旬音蓋實不問臣臣亦無此言不敢迷亂帝顧

謂太子曰直哉此人情所難而允能為之臨

死不易辭信也為臣不欺君貞也宜特除其

罪以旌之遂赦之他日太子讓允曰吾欲為

卿脫死而卿不從何邪允曰臣與崔浩實同

史事死生榮辱義無獨殊誠荷殿下再造之

慈違心苟免非臣所願也太子動容稱歎允

退謂人曰我不奉東宮指導者恐負翟黑子

允從子昂字敖曹有

故也荷去聲○標題允對太子曰史籍帝王之實錄至於書朝廷起動之迹言國家

同傳與允

得失之事此為史之本體未為多違云云允事文成帝呼令公而不名事獻文帝興學校時年九十八卒考異

十四童蒙訓

李君行先生名潛虔州人虔音乾○標題李

國縣人其後三子連中進士科李朴字先之學於程氏官至待制君行贈開府儀同○虔州宋紹興二十

一年改名贛州入京至泗州留止其子弟請

先往君行問其故曰科場近欲先至京師貫

開封尸籍取應京師謂開封隋唐汴州朱梁

宋因之金南徙稱君行不許曰汝虔州人而

南京今為汴梁路



貫開封戶籍欲求事君而先欺君可乎寧遲

緩數年不可行也纂疏元城劉氏曰天下詠

老觀之誠實之風幾乎一日衰於一

衰於一十年方今夫婦父子兄弟之間猶相諂

諛也相欺詐也况於君臣朋友之間乎且君

臣父子夫婦兄弟朋友只是箇道理若一

處壞矣此風大可畏當其禍亂未作時猶一

切合糊不見醜怪萬一有大禍亂則君臣之

間無所不至矣考異耶律氏曰一本

或無第字本文有留止本文無留字

崔玄暉母盧氏嘗誡玄暉曰暉音華○標題

慎字行謹按唐世系博陵大房母盧戒玄暉

時為庫部員外郎後相武后中宗謚文獻三

世同財吾見姨兄屯田郎中辛亥馭曰馭音御

同出曰姨親同姓表外姓一云兒子從宦者

姑之子外兄弟舅之子內兄弟兄弟有人來云貧乏不能存此是好消息若聞貴

貨充足衣馬輕肥此惡消息吾常以為確論

確苦角反比見親表中仕宦者將錢物上其

父母比毗至反父母但知喜悅竟不問此物

從何而來必是祿俸餘資誠亦善事如其非

理所得此與盜賊何別別彼縱無大咎獨不

氏曰宦本傳作宦下同  
本或作大本傳作內

舊唐書列傳

十五

與

同

傳

書

列

傳

傳

傳

傳

傳

傳

傳

傳



十六 雜錄

劉器之待制初登科

劉待制名安世字器之太各府元城縣人世稱

及晁氏家語

元城先生初登科時宋神宗熙寧六年余中榜進士不就選從溫公學數年始授洛州司法官至諫議大夫實與二同年謁張觀參政

文閣待制諡忠定 觀去聲參音 三人同起身請教張曰某自守

官以來常持四字勤謹和緩中間一後生應

聲曰勤謹和既聞命矣緩之一字某所未聞

張正色作氣曰何嘗教賢緩不及事且道世

間甚事不因忙後錯了

張參政觀諡文孝考異燕氏曰張觀參政

十七 游定 夫錄

伊川先生曰安定之門人往往知稽古愛民

矣則於為政也何有

十八 童蒙 訓

呂榮公自少守官未嘗于人舉薦其子舜從

守官會稽

榮公第一子名疑問字舜從本文

不求知者舜從對曰勤於職事其他不敢不

慎乃所以求知也

標題呂氏世系詳見本卷

實立教第一條考異耶律

氏曰淵源錄舜從作舜徒非是

紹興元年改紹興府今越州路

會稽秦郡名隋改越州宋高宗

錄皆作李若谷參政



十九

漢陳孝婦年十六而嫁未有子其夫當行戍

司馬

溫公春遇且行時屬朱欲孝婦曰我生死未可知

家範

反及幸有老母無他兄弟備養吾不還汝肯養吾

母乎婦應曰諾夫果死不還婦養姑不衰慈

愛愈固紡績織紵以為家業終無嫁意居喪

三年其父母哀其少無子而早寡也將取嫁

之孝婦曰夫去時屬妾以供養老母妾既許

諾之夫養人老母而不能卒夫養之夫音扶

詐人以諾而不能信將何以立於世欲自殺

其父母懼而不敢嫁也遂使養其姑二十八

天年

一本年姑八十餘以天年終盡賣其田宅財物以

命

葬之終奉祭祀淮陽太守以聞使使者賜黃

復按

金四十斤復之終身無所與號曰孝婦使使

古注

字下去聲與音預標題陳孝婦後漢人淮

復免

陽國後為陳郡後周立陳州隋唐因之宋宣

其役

和元年改名淮寧府今復名陳州

也

漢鮑宣妻桓氏字少君宣嘗就少君父學父

列女

奇其清苦故以女妻之妻去聲鮑宣字

傳

送資賄甚盛賄呼宣不悅謂妻曰少君生富

小學九

二十四



皇用  
謚列

〔北〕

驕習美飾而吾實貧賤不敢當禮妻曰大人  
以先生修德守約故使賤妾侍執巾櫛既奉  
承君子惟命是從宣笑曰能如是是吾志也  
妻乃悉歸侍御服飾更著短布裳與宣共挽  
鹿車歸鄉里拜姑禮畢提甕出汲修行婦道  
鄉邦稱之着直畧反甕烏貢反〔標題〕宣子  
永光武時為魯郡太守永子昱從容問祖母  
少君曰太夫人寧復識挽鹿車時否少君曰  
先姑有言安安不不  
忘危吾焉敢忘

女傳

女文叔蚤死服闋自以年少無子恐家必嫁  
已乃斷髮為信其後家果欲嫁之令女聞即  
復以刀截兩耳居止常依爽及爽被誅曹氏  
盡死令女叔父上書與曹氏絕婚彊迎令女  
歸關音缺斷音短彊上聲後疆之同〔標題〕  
曹爽字昭伯魏宗室譙陳焦邑漢屬沛郡  
州屬歸德路夏侯曹氏世姻在魏多顯仕夏侯  
惇七子一孫皆關內侯○司馬宣主殺魏宗  
室大臣凡八族其一乃曹爽夏侯玄字太初  
爽誅召為太鴻臚內不得意與李豐等謀欲  
誅司馬氏事泄併夷三族時文寧為梁相憐其少執義又



惟思風方也

曹氏無遺類真其意阻乃微使人風之

以為信防之少懈令女於是竊入寢室以刀

斷鼻蒙被而臥其母呼與語不應發被視之

血流滿床席舉家驚惶往視之莫不酸鼻或

謂之曰人生世間如輕塵棲弱草耳何辛苦

乃爾且夫家夷滅已盡守此欲誰為哉令女

曰聞仁者不以盛衰改節義者不以存亡易

心曹氏前盛之時尚欲保終况今衰亡何忍

大家謂曹家文叔

棄之禽獸之行吾豈為乎

標題司馬宜王賜而嘉之聽使乞子

養為曹氏其子顯名於世事載魏志曹爽傳註引皇甫謐列女傳考異耶律氏曰舊本作

奔本傳作早沮舊本作阻本文作沮諷舊本作風之行本傳作不行

唐鄭義宗妻盧氏略涉書史事舅姑甚得婦

道爾雅夫之父且舅夫之母曰姑嘗夜有強盜數十持杖鼓

譟踰垣而入家人悉奔竄唯有姑獨在室盧

冒白刃往至姑側為賊捶擊幾死賊去後家

人問何獨不懼盧氏曰人所以異於禽獸者

以其有仁義也鄰里有急尚相赴救况在於

世二

唐書列女

傳又家範



姑而可委棄乎若萬一危禍豈宜獨生涉時攝反

謀先到反垣于元反竄取亂反捕主木反幾音基○本傳載云云姑曰歲寒知松柏相今乃見婦心考異舊作自在本傳作獨在

光三

唐列女傳

唐奉天寶氏二女生長草野幼有志操永泰中羣盜數千人剽掠其村落一女皆有容色

長者年十九幼者年十六匿巖穴間曳出之

驅迫以前臨壑谷深數百尺其姊先曰吾寧

就死義不受辱即投崖下而死盜方驚駭其

妹繼之自投折足破面流血羣盜乃捨之而

爾雅女子為姊先生為妹

去京兆尹第五琦嘉其貞烈奏之詔旌表其

門閭永蠲其家丁役剽婢小反匿昵力反曳以制反迫音百姊將兒

反駭下惜反蠲主淵反○標題奉天唐京兆府屬縣名文明元年析武功等五縣地置邑

以奉乾陵故名奉天後為乾州今屬安西路永泰代宗年號第五覆姓出齊諸由之後第五琦字

北四

馬圭

繆彤少孤兄弟四人皆同財業繆音木彤音容○繆姓出

秦穆公之後彤字謙公後漢人及各取妻娶與取同諸婦遂求分

異又數有鬪爭之言彤深懷忿嘆乃捨戶自

櫬曰繆彤汝修身謹行學聖人之法將以齊

後漢獨行傳



整風俗奈何不能正其家乎第及諸婦聞之

悉叩頭謝罪遂更為敦睦之行音口更平聲

附錄或問子弟有不率教當如何東萊曰先生曰身正而家未正必是未能盡感格之理

只當下公未諸已直是如此始是教之之道

蘇瓊除南清河太守標題蘇瓊字珍之仕高

州屬濟州刺史所部與平原接界又按漢清河郡在今恩州拓拔魏有東清河郡在今高唐州瓊在

郡集大儒衛覬隆由元鳳等於郡學郡吏文

案之暇悉令受書沙門道研資產巨富在郡

出債息常得官為徵之每見欲有請瓊輒談

問玄理研無由格口及歸第子論之研曰每

見府君徑將我入青雲問何由得論地上事

遂焚券有百姓乙普明兄弟爭田積年不斷各

相援據乃至百人瓊召普明兄弟諭之曰天

下難得者兄弟易求者田地假令得田地失

兄弟心如何因而下淚諸證人莫不灑泣普

明兄弟叩頭乞外更思分異十年遂還同住

援音院灑與酒同更平聲

王祥弟覽王祥字休徵母朱氏遇祥無道

覽年數歲見祥被楚撻輒涕泣抱持至于

成童每諫其母其母少止凶虐朱屢以非

又家範

北史 循吏 傳

晉書 卷六

又家範



理使祥覽與祥俱又虐使祥妻覽妻亦趨而共之朱患之乃止

標題覽後仕至光祿

門施行馬其孫王導興江左考異耶律氏曰家範作母朱氏又作覽輒與

光七

晉書本傳

晉右僕射鄧攸永嘉末没于石勒過泗水

夜標題攸字伯道平陽人少孤與弟同居

晉司馬氏初都洛陽為西晉後都建康為東

晉攸過江東仕元帝時永嘉西晉懷帝年號

石勒字世龍本匈奴人汲桑為立姓名後

稱趙主是攸以牛馬負妻子而逃又遇賊掠

為後趙其牛馬步走擔其兒及其弟子綏度不能兩

全乃謂其妻曰吾弟早亡唯有一息理不可

絕止應自棄我兒耳幸而得存我後當有子

妻泣而從之乃棄其子而去之卒以無嗣時

人義而哀之為之語曰天道無知使鄧伯道

無兄弟子綏服攸喪三年

攸都其反○補註本傳是日過泗水

棄子及暮子追及明日繫之於樹而去攸棄

子後妻不復孕過江納妾訊其家乃攸之甥

攸素有行聞之感恨遂不復畜妾至咸和元

年卒史臣曰棄子在姪以義斷恩若力所不能自可割情何至頂加微纒絕其奔走斯豈

慈父仁人之心卒以無嗣宜哉考異耶律氏曰舊本而去下有之字家範引此無



廿八

晉書 孝友 傳

晉咸寧中大疫，庾亮一克俱亡。次兄毗復危，始癘氣方熾，父母諸弟皆出次于外，亮獨留不去。諸父兄強之，乃曰：「衾性不畏病，遂親自扶持，晝夜不眠。其間復撫衽哀臨，不輟如此。十有餘旬，疫勢既歇，家人乃反。毗病得差，亮亦無恙。父老咸曰：『異哉！此子守人所不能守，行人所不能行。歲寒然後知松栢之後凋，始知疫癘之不能相染也。』」  
亮反 ○ 標題 咸寧晉世祖武帝年號 衾字叔 衰庾氏明穆皇后族初衾父常戒衾酒每醉輒自責曰奈何廢生訓於墓前自杖衾負作管賣以供母 母見其勤苦曰我無所食衾曰母食不甘衾將何居母感而安之州郡察舉皆不就時號使異行 考異 耶律氏曰危殆本傳無危字扶持本傳作扶侍始知舊本作知字本傳家範皆作疑

北史 列傳

楊播家世純厚，並敦義讓。昆季相事有如父子。椿、津、恭、謙兄弟，且則聚於廳堂。  
楊播字延慶 事元魏 孝文帝為平東將軍 楊椿字延壽 位至司空 徒楊津字羅漢 為司空 椿津俱事明太后 終日相對 未曾入內 有一美味不集 不食廳堂 間往往幃幔 隔障為寢息之所 時就休偃 還共談笑 椿年老 曾他處醉歸 津扶持還室 假



寢閣前庶候安否椿津年過六十並登台鼎  
而津嘗且莫參問子姪羅列階下椿不命坐  
津不敢坐椿每返出或日斜不至津不先飯  
椿還然後共食食則津親授匙筋味皆先嘗  
椿命食然後食津為肆州椿在京宅每有四  
時嘉味輒因使次附之若或未寄不先入口  
一家之內男女百口總服同爨庭無間言

夫及筋直慮及肆音四總音思嬰七亂及間  
去聲○標題楊椿飛子孫云吾兄弟在家必  
同盤而食若有逆行不至必待其還亦有適  
用不食恐飢相待吾兄弟八人今存者三不  
忍別食也聞汝兄弟時有別齊獨食者又不  
如吾一世也又云仕魏以來高祖而下七郡

守三十一刺史內外顯仕少比○肆州今河  
東之代州元魏自鴈門代郡立繁時郡守太  
周改立肆州隋開皇改代州考異耶律氏曰  
播本或作椿者非悱本傳作帳持本傳作待  
寢本傳作寐  
掌本作常非

三十  
隋書  
酬使

隋吏部尚書牛弘弟弼好酒而酗酗香句反  
好去聲○

牛弘字里仁安定鵠人尚書分吏禮戶兵刑工自隋始嘗醉射殺弘駕

車牛弘還宅其妻迎謂弘曰叔射殺牛弘聞

無所恠問直答曰作脯坐定其妻又曰叔射

殺牛大是異事弘曰已知顏色自若讀書不

酒也



世一

輟 肺方矩反 輟朱劣反

唐書本傳

唐英公李勣

勣音績。李勣字懋功，曹州人。本姓徐，唐賜姓。李勣嘗疾，醫曰：『用鬚灰，可治。』太宗自剪鬚，以和藥，勣子震震子敬業，貴為僕射。其姊病，必親為然火煮粥，火焚其鬚，姊曰：『僕妾多矣，何為自苦如此？』勣曰：『豈為無人耶？顧今姊年老，勣亦老，雖欲數為姊煮粥，復可得乎？』

考異：氏曰舊本作『焚本傳作煠』

司馬溫公與其兒伯康友愛尤篤，伯康年將八十，公奉之如嚴父，保之如嬰兒，每食少頃，則問曰：『得無饑乎？』天少冷，則拊其背曰：『衣得無薄乎？』

標題：開見錄。溫公居洛時，在陝州夏縣，展墓省其兄，即中為羣從鄉人，說書講學，按溫公世系，司馬公會祖政長曰炳，炳二子，浩、沂，沂生里，里生宏，宏生林，次曰炫，炳之弟炫，生池，池生光，光之兄名。

考異：太史文集，飢字作饑字。

近世故家惟晁氏

標題：宋初澶淵人，後徙濟州，鉅野，晁迥字明遠，贈太子太保，謚文元公，子宗慤，字世長，仁宗朝參知政事，謚文莊公，文莊諸孫名在史傳者，補之無咎，謚之以道，自號景迂，詠之以道。

因以道申戒子弟，皆有法度，羣居相呼，外姓尊長，必曰：『某姓第幾叔，若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊

若兄諸姑，尊姑之夫，必曰：『某姓姑夫，某姓尊



姑夫未嘗敢呼字也其言父黨交游必曰某  
姓幾丈亦未嘗敢呼字也當時故家舊族皆

不能若是考異兄作見字者非

包孝肅公包拯字希仁廬州合肥人舉進士

尹京時民有自言以白金百兩寄我者死矣

予其子不肯受願召其子示之尹召其子辭

曰亡父未嘗以白金委人也兩人相讓久之

呂榮公聞之曰世人喜言無好人三字者可

謂自賊者矣古人言人皆可以為堯舜蓋觀

於此而知之

標題呂氏家塾記云包孝肅尹

又呼包家市井小民指狗私者曰一箇包家

指貪汚者曰一箇司馬家言包不狗私情司

馬不貪財也筆談云包公天性剛嚴未嘗有

笑容當時言包希仁笑比黃河清考異耶律

氏曰本或作尹京兆者非此作已者非

前漢列傳又家範

武四帝舊父子五人同時二千石故號萬石

君石奮四子長建次甲次乙次慶景帝曰石

君及四子皆二千石過官門闕必下車趨見

路馬必軾焉子孫為小吏來歸謁萬石君必

朝服見之不吝後慶為相國子孫為小吏子

世四

呂氏

童蒙

世五

前漢

列傳

又家

範

朝服

見之

不吝

子



孫有過失不訥讓為便坐對案不食訥一作譙才笑

及師古曰便坐於便側之處非正室也然後諸子相責因長老

肉袒固謝罪改之乃許子孫勝冠者在側勝音

升雖燕必冠申申如也僮僕訢訢如也訢訢音

古欣字顏師古讀唯謹上時賜食於家必稽

首俯伏而食如在上前其執喪哀感甚子孫

遵教亦如之萬石君家以孝謹聞乎郡國雖

齊魯諸儒質行皆自以為不及也長子建為

郎中令少子慶為內史建老白首萬石君尚

無恙每五日洗沐歸謁親入子舍竊問侍者

取親中裙廁身自浣洒廁音投浣音緩洒音洗

本註親謂復與侍者不敢令萬石君知之以為

常內史慶醉歸入外門不下車萬石君聞之

不食慶恐肉袒謝罪不許舉宗及兄建肉袒

萬石君讓曰內史貴人人間里里中長老皆

走匿而內史坐車中自如固當乃謝罷慶慶

及諸子入里門趨至家顏師古曰固當深責

之也謝罷告令去

子舍舊本

子作干本

傳作及也中裙今中衣也廁廁者近身之小衫若

子師今汗衫也纂疏洗沐即官五日洗沐子舍若

古註今諸房

諸子外門

之舍浣洒一本

作浣

滌滌亭力

反



前漢 列傳

疏廣為太子太傅上疏乞骸骨加賜黃金二

十斤太子贈五十斤

疏音疎上時掌反○疏廣字仲翁兄子受

字公子東海蘭陵人漢宣帝地節三年立太子

子疏廣為傅兄子受亦以賢良舉為太子家

令宣帝幸太子宮受迎謁應對閑雅拜為少

傅太子每朝太傅在前少傅在後在位五年

太子年十二通論語孝經廣謂受曰知足不

辱知止不殆切遂身退天之道也豈如相隨

出關歸老故鄉受叩頭曰從大人議遂上疏

公卿故人祖道東都門外送者車數百兩道

供本路觀者皆曰歸鄉里曰令家供具設酒食請

賢哉二大夫族人故舊賓客相與娛樂數問其家金餘尚

有幾斤趣賣以共其具

樂音洛數音朔趣音促居歲餘廣子孫竊謂其昆弟老人廣

所信愛者曰子孫冀及君時頗立產業基址

今日飲食費且盡宜從丈人所勸說君買田

宅說音老人即以閒暇時為廣言此計廣曰

吾豈老悖不念子孫哉顧自有舊田廬令子

孫勤力其中足以共衣食與凡人齊今復增

益之以為贏餘但教子孫怠惰耳賢而多財

則損其志愚而多財則益其過且夫富者眾

與相日循言也 幾許也 本傳 所本 傳信 愛信 冀及 作幾 及址 作址 悖作 詩 無本 傳作



卅

生怨又此金者聖主所以惠養老臣也故樂與鄉黨宗族共饗其賜以盡吾餘日不亦可乎

批七

龐公未嘗入城府夫妻相敬如賓龐德公襄陽人居峴山之南後入鹿門山採藥不返劉表候之龐公釋耕於龍下

東漢逸民

而妻子耘於前表指而問曰先生苦居畎畝而不肯官祿後世何以遺子孫乎龐皮江反畎莫後反遺以醉反下同龐公曰世人皆遺之以危今獨遺之以安雖所遺不同未為無所遺也表嘆息而去

陶淵明為彭澤令不以家累自隨送一力給其子書曰汝且夕之費自給為難今遣此力助汝薪水之勞此亦人子也可善遇之累去聲

批八

晉書本傳

儼又名舒侯天名宣【標題】淵明陶侃曾孫侃生茂麟茂麟生潛潛份名五子長曰儼二曰俟三曰份四曰佚五曰終雍佚按張綽云先生作孟嘉傳及祭程氏妹稱淵明至元嘉中對檀道濟始稱潛在宋名潛俱字元亮南史稱潛字淵明非也彭澤縣屬江州晉安帝義熙三年淵明去官賦歸去來辭

崔孝芬兄弟孝義慈厚弟孝暉等奉孝芬盡

批九

北史魏崔

崔孝芬兄弟孝義慈厚弟孝暉等奉孝芬盡



後崔挺傳

恭順之禮唐崔氏博陵第二房崔挺字雙根

崔挺

坐食進退孝芬不命則不敢也崔挺字雙根

鷄鳴而起且溫顏色一錢尺帛不入私房吉

凶有須聚對分給諸婦亦相親愛有無共之

孝芬叔振既亡後孝芬等承奉叔母李氏若

事所生且夕溫清出入啓覲家事巨細一以

啓決每兄弟出行有獲則尺寸以上皆入李

之庫四時分賚李氏自裁之如此二十餘歲

清七正及覲音迓賚音賴考異耶律氏曰清本或作清者非啓本傳作諮則本傳作財物

四十

或作偉

文中

王凝常居慄如也子弟非公服不見閨門之

子關

內若朝廷焉御家以四教勤儉恭恕正家以

朗篇

四禮冠婚喪祭聖人之書及公服禮器不假

王凝

垣屋什物必堅朴曰無苟費也門巷果木必

為御

方刻曰無苟亂也王凝字叔恬文中子之弟

史劾

史出為胡蘇令號太原府君按王氏世系始

侯君

祖漢徵君王霸十七代孫其銅川府君名隆

集

字伯高五子長芮城府君次通字仲淹為文

績號

中子次凝字叔恬次績字無功次靜字保名

東華

文中子二子長福次福時福時六子長勸

子

次勸次勃字子安次助字子功次勸次勸俱



有文名

見唐史

温公家範

張公藝九世同居北齊隋唐皆旌表其門麟

德中高宗封泰山幸其宅高齊楊隋李唐新唐書孝友傳序

北齊東安王承樂隋大使梁子恭皆躬慰撫表其間至高宗又賜練帛麟德唐高宗時年號按地志張公藝所居在今東平壽張縣召見公藝問其所以能

睦族之道公藝請紙筆以對乃書忍字百餘

以進其意以為宗族所以不協由尊長衣食

或者不均卑幼禮節或者不備更相責望遂

為乖爭苟能相與忍之則家道雍睦矣纂疏吳氏

卅二韓文

韓文公作董生行標題韓公名愈字退之謚

謚宋元豐七年封昌黎伯董生召南安豐人文公有送董生游河北序言董生舉進士連不得志於有司而此詩叙其孝慈之行曰淮水出桐柏山東馳

遥遥千里不能休淝水出其側不能千里百

小序

七



里入淮流

肥音肥。桐柏山淮水所出在今唐州。肥水在廬州。合此言肥水。

安豐不能千里以興董

古六生居下不能施遠壽州屬縣有安豐唐貞

國秦

元年時縣人董生召南隱居行義於其

郡漢

中召音刺史不能薦天子不聞名聲爵

安魏

祿不及門門外惟有吏日來徵租更索

郡唐

錢嗟哉董生朝出耕夜歸讀聖人書盡

州宋

日不得息或山而樵或水而漁入厨具

安豐

甘肯上堂問起居父母不感感妻子不

軍今

咨咨嗟哉董生孝且慈人不識惟有天

號

翁知生祥下瑞無休期家有狗乳出求

食鷄來哺其兒啄啄庭中拾蟲蟻哺之不食

鳴聲悲彷徨躑躅久不去以翼來覆待狗歸

嗟哉董生誰將與儔哺蒲故反啄竹角反躑

除留反時之人夫妻相虐兄弟為讎食君之

祿而令父母愁亦獨何心嗟哉董生無與儔

詩見

附錄蘇氏詩君不見董召南隱居行義孝且

東坡

慈天公亦恐無人知故令雞狗相哺兒又念

集

韓老為作詩尔來二百年名與淮水肥。○愚

按朱子韓文考異云上一句誰將與儔疑而

問之之詞也此云無與儔告而決之之詞也

考異耶律氏曰聖人書本文作古人時期舊



卅三

本作休期，彷彿舊本作，彷彿誰將舊本作，將誰無與舊本無作，誰將韓文考異，作無

温公

唐河東節度使柳公綽在公卿間最名有家

小學

法標題唐宰相世系表柳子温丹州刺史子温生公綽公權公諒三子兄子華生公器

外篇

多引公度二子公綽官至兵部尚書河東節度使

柳氏

娶韓休曾孫韓臯女一子四孫子仲郢太平節度使仲郢長子璞著作郎次子珪衛尉少

一門

今按卿三子壁右諫議大夫四子玘御史大夫公權字誠懸除太子太保中門東有小齋自非

宰相

子仲憲仲憲子名瑗

世系

略其大表述

略

皆束帶晨省於中門之北公綽決私事接賓客與弟公權及羣從弟從去聲再會食自旦

至莫不離小齋晨省之省息形及至莫之燭莫通作暮下同離去聲

至則命一人子弟執經史躬讀一過訖乃講

議居官治家之法或論文或聽琴至人定鐘

然後歸寢諸子復昏定於中門之北凡二十

餘年未嘗一日變易其遇饑歲則諸子皆蔬

食食音曰昔吾兄弟侍先君為丹州刺史先君

以學業未成不聽食肉吾不敢忘也

姑姊妹姪有孤嫠者嫠里雖疎遠必為擇壻

嫁之皆用刻木粧奩纈文絹為資裝奩音廉纈奚結

陽改丹

郡後

義州

元魏

郡地

卅州漢上



改州反  
為丹  
州唐  
因之

常言必待資裝豐備何如嫁不失時及公  
綽卒仲郢一遵其法事公權如事公綽非甚  
病見公權未嘗不束帶為京兆尹鹽鐵使出  
遇公權於通衢必下馬端笏立候公權過乃  
上馬上時公權莫歸必束帶迎候於馬首公  
權屢以為言仲郢終不以官達有小改仲郢  
未及進士第武宗時諫議大夫拜京兆尹知  
吏部銓宣和時又為河南尹劔南節度使懿  
宗咸通五年為天平節度公綽妻韓氏相國  
使父子更九鎮五為京兆

歸柳氏二年無少長未嘗見其啓齒指

每歸觀不乘金碧輿祇乘竹兜觀音近

常命粉苦參黃連熊膽和為丸賜諸子每永

夜習學舍之以資勤苦膽觀敢反

使字待或作待者非考異

江州陳氏宗族七百口南唐陳廣江州德安

每食設廣縣人十世同居長幼

女未冠笄者別席鄉鄰化其德

史五代

音根 去跟 轎喬 如今轎子

上聲 ○ 啓齒 笑也 常衣 絹素 不用 綾羅 錦繡

駭反 少宰 照反 長 上聲 ○ 啓齒 笑也 常衣 絹素 不用 綾羅 錦繡



席長幼以次坐而共食之有畜犬百餘共一  
牢食一犬不至諸犬為之不食昇元初江州

復其家表門閭至宋太宗時一十代不分  
居【標題】後南唐節義傳載陳慶乃元和給事  
陳京

【冊五】

溫公曰國朝公卿能守先法久而不衰者唯

故李相昉家昉音做○【標題】李文正公昉字

或無諸本家範溫公入相以司空致仕子宗諤字昌武中進士第  
曰三真宗景德二年為學士真宗謂宰相曰國朝  
將相家能自立不墜門  
闕者惟李昉及曹彬家

口猶同居共爨田園邸舍所收爨七亂反及

有官者俸祿皆聚之一庫計口日給餉婚姻

喪葬所費皆有常數分命子弟掌其事其規

模大抵出於翰林學士宗諤所制也諤五各

正公子孫世科助生宗諤宗諤一子長昭述  
次昭邁昭邁子景卿景卿子士廉宗諤昭述  
每世學士昭邁景  
卿士廉三世探花

右實明倫四十五條京兆李氏曰程子

若富貴榮達即不須學也實明倫四十  
五章皆言處禮之變首十章實父子  
之親次八章實君臣之義次五章實夫  
婦之別次十章實長幼之序次一章  
實朋友之交後一章  
一章以實明倫通論



標題註疏小學集成卷之九 終

標題註疏小學集成卷之十

善行第六之下 外篇

實敬 身一 後漢 列傳

或問第五倫曰

第五複姓齊田氏之後倫字伯魚京兆長陵人漢章帝時

公有私乎對曰昔人有與吾千里馬者

吾雖不受每三公有所選舉心不能忘而亦

終不用也

附錄朱子曰如人遺之千里馬雖不受後來薦人未嘗忘之

吾兄子

嘗病一夜十往退而安寢吾子有疾雖不省

視

省悉而竟夕不眠若是者豈可謂無私乎

并反



附錄 程子曰不特安寢與不安寢只十起與  
起便是私也父子之愛本是公總着此心  
做便是私也又曰已之子與兄之子所爭幾  
何是同出於父者也只為兄弟異形故以兄  
弟為手足人多以異形故親已之子異於兄  
弟之子甚不是也朱子曰如十起與不起便  
是私這便是避嫌只是他見得這意思已是  
太段做工夫太段會省察了考異耶律氏曰  
嘗本傳

後漢  
列傳

劉寬雖居倉卒未嘗疾言遽色

卒倉沒反○  
劉寬字文饒

東漢弘農人嘗為南陽太守不忍施刑以蒲鞭示辱夫人欲試寬令志  
於避伺當朝會裝嚴已訖使侍婢奉肉羹翻  
汚朝服婢遽收之寬神色不異乃徐言曰羹

爛汝手乎其性度如此

朝音潮下同奉同上聲  
○纂疏京兆

李氏曰愚按程子曰人之情易發而難制  
者惟怒為甚第能於怒時遽忘其怒而觀理  
之是非亦可以見外誘之不足惡而於道亦思  
過半矣若劉寬者雖由性度之美如此亦可  
謂遠忘其怒而觀理之是非矣學者師之考  
異耶律氏曰居本傳作在服舊本作衣本傳  
作服又本傳無平字

後漢  
列傳

張湛矜嚴好禮動止有則

好去聲後愛好所  
○張湛字

居處幽室必自修整雖遇妻子若

嚴君焉及在鄉黨詳言正色三輔以為儀表

後漢  
列傳

武帝太初元年改京兆尹左馮翊右扶風為



本註 三輔共治長安城中至光武時  
馮翊 扶風出治槐里馮翊出治高陵  
也翊 音七  
馮翊告歸平陵望寺門而步  
建武初為左

里武帝茂陵昭帝立平  
主簿進曰明府位尊  
陵今安西路與平縣

德重不宜自輕湛曰禮下公門  
軾輅馬平胡

孔子於鄉黨恂恂如也父母之

國所宜盡禮何謂輕哉

楊震所舉荆州茂才王密為昌邑令謁見懷

金十斤以遺震令去聲後令長令終川令並

字伯起東漢弘農華陰人明經博覽諸儒語

後漢 列傳

四

又淮史又遷東萊太守當之郡道經昌邑故所舉

州昌荆州茂才王密為昌邑令昌邑武帝少子所

邑縣 封王賀國除立山陽郡後改併作金 震曰故

乃漢 卿縣有昌邑王故城今屬齊寧路

新昌 人知君君不知故人何也密曰莫夜無知者

城非 此昌莫音暮後 震曰天知神知我知子知何謂無

邑 莫運同 知密愧而去附錄朱子曰幾既動則已必知

論楊震四知曰天知神知只是箇 知考異耶律氏曰去舊本作出字

茅容與等輩避雨樹下衆皆夷踞相對容獨

危坐愈恭郭林宗行見之而竒其異遂與其

言容字季偉東漢陳留人年四十餘耕於野

與等輩避雨樹下以尻著蹠危坐郭泰字

後漢 列傳

五

小學十







吏將

具悉投之於江徒及吏將則加鞭朴曰撻捕

吏將

猶收循奴戲耳老莊浮華非先王之法言不

本作

可行也君子當止其衣冠攝其威儀何有亂

本傳

頭養望自謂弘達耶纂疏胡氏曰絕滅禮法

之學也

西晉玄虛之風蓋由祖尚所致尔老

莊之學

見周未文勝人皆從事於儀物度數

而不復

有誠信為之主故欲掃除弊跡以趨

乎本真

而矯枉太過立言有失玄虛幽眇少

切事情

遂使末流遺畧禮法忽棄實德浮游

波蕩其為

世害更甚於文之滅質又曰自何

安王弼

以老子莊周之書訓釋太易王衍等

競相慕效

專事清談糟粕五經蔑棄敦實風

流波蕩

晉隨以亡京兆李氏曰愚謂士風之

壞於晉

而人理或幾乎熄矣景仰老莊浮華

之言

以助其亂頭養望自謂弘達之行而陶

侃乃能

於橫潰之際卓越自樹以矯正之如

此其善

心術威儀皆可謂後世法故子朱子

撫而列

之於此書也考異熊氏曰浮華舊本

作浮屠

按本傳及通鑑作華亂頭

養望

合依通鑑本作蓬頭跣足

新唐

書裴王勃字子安絳州龍

沈靜

本傳 浮躁淺露豈享爵祿之器耶楊子沈靜應得

音洛

行儉 黔州盈川令張說以箴

傳駱

送行至官嚴酷率官下

駱賓王

賓王婺州義烏人徐敬業

謂之四傑裴行儉行儉字守約絳州聞曰士

之致遠先器識而後文藝勃等雖有文才而

皆有文名

皆有人時為吏部侍郎

小學

五



作沈

令長

應平聲長上聲

餘得令終為幸其後勃溺南海

父福時坐勃故左遷交趾令勃往省涓海水

照鄰投賴水賓王被

誅炯終盈川令皆如行儉之言

補註按王勃傳勃與楊炯

八

韓文

孔戡

戡音堪戡字君勝孔子二十七世孫戡字方舉戡本誌字

動墓誌

君勝一本字勝始

於為義若嗜慾不顧前

後於利與祿則畏避退怯如懦夫然

考異耶律氏曰

九

柳氏

柳公綽居外藩其子每入境郡邑未嘗知

字子寬唐人居藩按本傳歷江南東道邠寧河東節度使子仲郢

既至每出

入常於戟門外下馬呼幕賓為文皆許納拜

未嘗笑語款洽

柳氏

柳仲郢

字諭蒙

以禮律身居家無事亦端坐拱

手出內齋未嘗不束帶二為大鎮

仲郢初自河南尹為

劍南東川節度殺大吏邊章官下肅然太中十二年為山南西道節度南鄭縣令以賊杖

死咸通五年又為天平軍節度 庶無良馬衣不熏香公退必

讀書手不釋卷家法在官不奏祥瑞不度僧

道不貸賦吏法凡理藩府急於濟貧郵孤有

及本傳

十

柳氏

柳氏

柳氏

柳氏

及本傳

柳氏

柳氏

柳氏

柳氏



十一

水旱必先期假貸廩軍食必精豐通租必費  
免館傳必增飾宴賓犒軍必華盛而交代之  
際食儲帑藏必盈溢於始至廩居又及貸他  
聲帑他黨及境內有孤貧衣纓家女及笄者  
皆為選婿出俸金為資裝嫁之

柳氏家訓

柳玼字直清曰王相國涯方居相位掌利權相

涯音聲後並同○王涯字廣津唐文宗朝同平章  
宜又事兼度支鹽鐵變茶法益稅性齷儉年七十  
厓牙餘貪權寶氏女歸請曰寶氏女寶紉妻王涯  
二音固位玉土貨一釵奇巧須七十萬錢  
免惟寶氏女  
以痼疾得全

王曰七十萬錢我一月俸金爾豈於女惜但  
一釵七十萬此妖物也必與禍相隨女子不  
復敢言數月女自婚姻會歸告王曰前時釵  
為馮外郎妻首飾矣乃馮球也王嘆曰馮為  
郎吏妻之首飾有七十萬錢其可久乎馮為  
賈相鍊門人最密賈有倉頭頗張威福妖於  
鍊音來鍊音速○鍊字子美河南府人玄宗  
本和中同平章事與王涯同誅按史記云漢  
家僕隸謂倉頭以蒼  
為巾異於凡民也馮召而勗之未浹旬馮  
晨謁賈有二青衣捧地黃酒出飲之飲去聲  
○地黃



無毒蓋醜 酒詭稱 食頃而終賈為出涕竟不知其由

又明年王賈皆遘禍遘古候反 纂疏司馬

藏獲偷合苟容自謂得策一且禍生不虞天誅之也 噫王以珍玩奇貨為

物之妖信知言矣徒知物之妖而不知恩權

隆赫之妖甚於物耶標題其露之變涯狼狽

奴曰王涯與李訓賈餗謀逆皆被誅其 馮以卑位

貪寶貨已不能正其家盡忠所事而不能保

其身斯亦不足言矣賈之臧獲害門客于牆

廡之間而不知庶音武 欲終始富貴其可得乎

婦奴曰獲 此雖一事作戒數端考異耶律氏曰馮召本

七十萬 錢六字

王文正公發解南省廷試皆為首冠解音戒

○公名曾字孝先青州益都人本州解試第

一人省試復中第一真宗咸平三年廷試有

物混成賦題狀元及第 或戲之曰狀元試三

場一生喫著不盡標題東軒筆錄作中山劉

翰林 公正色曰曾平生之志不在温飽纂疏

石氏曰士之積道德富仁義於厥身蓋假於

權位以布諸行事利於天下也豈有屑屑然

謀於衣

食者坎

東軒筆錄

十二



十三 歐陽

公撰

范文

正禪

道碑

范文正公少有大節少去聲後其於富貴貧

賤毀譽歡戚譽平聲不一動其心而慨然有志

於天下常自誦曰士當先天下之憂而憂後

天下之樂而樂也公作岳陽樓記中語其事一遇人一

以自信不擇利害為趨捨其有所為必盡其

方曰為之自我者當如是其成與否有不在

我者雖聖賢不能必吾豈苟哉

司馬溫公嘗言吾無過人者但平生所為未

嘗有不可對人言者耳愚聞之師曰先正嘗以溫公格言與趙清

十四

晁無咎語

獻公平生且所辦事夜必衣冠露香九拜手

告于天應不可告者則不敢為也一段作丁

對刊石為座右銘此二事誠士君子立身行

已待人接物之成憲苟能不恠於人則不愧

於天矣雖若二事實則一理天人之際豈相遠哉

十五 魏高 管寧嘗坐一木榻榻託蓋反○標題管寧字

不積五十餘年未嘗算股其榻上當膝處皆

穿附錄或問盤坐於理有否害否朱子曰古人

穿廣地亦只是盤坐又有跪坐者君前臣跪

人密處未見得其疎即是如此管寧坐一木

榻積五十餘年未嘗算股其榻上當膝處皆

穿今人有椅子若對賓客時合當垂足坐若

魏高 上傳

小學十一



十六

獨居時，垂足坐，難久盤坐，何害？

呂申公家傳

呂正獻公自少講學，即以治心養性為本。寡

嗜欲，薄滋味，無疾言遽色，無窘步窘，渠，無惰

容。凡嬉笑俚近之語，未嘗出諸口。於世利紛

華聲伎遊宴，以至於博奕奇玩，淡然無所好。

纂疏：愚謂養性在治心，治心當寡慾。蓋天理

人慾相為消長，有一分人慾，即消一分天理。

薄滋味而下，皆為寡嗜慾之事。

程氏外書及上蔡謝

明道先生終日端坐如泥塑人。塑音及至接

氏錄

人則渾是一團和氣。渾平聲○補註：劉安禮云：明道先生德性充完

粹，和之氣，盡於面背，樂易多恕，終日怡悅，立

之從先生學，十年未嘗見其忿厲容，侯師聖

云：朱公揆見明道于汝歸，謂人曰：光庭在春

風中，坐午，一箇月，纂疏：葉氏曰：所謂望之儼

然，即之也。溫也。

明道先生作字，時甚敬，嘗謂人曰：非欲字好

只此是學。附錄：朱子曰：這也可以收放心，非

微繼行墨，一在其中，點點畫畫，放意則荒，取

妍則惑，必有專焉，神明厥德。纂疏：葉氏曰：篤

於茲敬，無往非學。

元城語錄

劉忠定公見溫公。公名安世，字器之，蓋忠定

士及第，不就進，從司馬溫公講學。問盡心行己之要，可以終



身行之者公曰其誠乎

附錄朱子曰温公所

其意者損人之實其

謂誠即大學所謂誠

心而不自欺者也

劉公問行之何先公曰

自不妄語始

附錄或問劉器之問誠之目於

脩辭立其誠也朱子曰近之

元城劉公問學道從何入曰自誠入又問誠

自何入曰自不妄語入南軒張氏嘗疑之蓋

誠者道之極致學者必先窮理主敬然後誠

者幾焉今以為入道之始其語誠若未安今

以朱子此說觀之則知誠之為義經傳所指

不同温公之所謂誠主於不欺詐無矯偽正

學者立心之初所當從事非指誠之至者而

與凡所言自相掣肘矛盾者多矣

易去聲後

力行七年而後成自此

言行一致表裏相應遇事坦然常有餘裕行

孟及○附錄朱子曰劉大諫從温公學温公

教之誠曰自不妄語始劉公篤守其說及諫

洛州司法時運使吳守禮至州欲按一司戶

賊以問劉公公對以不欺吳遂去而公嘗心

自不欺足謂此人實有賊而我不以誠告其違

馬大年元

錄序

操木

力行七年而後成自此

言行一致表裏相應遇事坦然常有餘裕行

孟及○附錄朱子曰劉大諫從温公學温公

教之誠曰自不妄語始劉公篤守其說及諫

洛州司法時運使吳守禮至州欲按一司戶

賊以問劉公公對以不欺吳遂去而公嘗心

自不欺足謂此人實有賊而我不以誠告其違

温公教乎後因讀揚子選礙通諸理始悟邪

處在礙會

避以通之

劉公見賓客談論踰時體無欹側

馬大年元

錄序

操木

力行七年而後成自此

言行一致表裏相應遇事坦然常有餘裕行

孟及○附錄朱子曰劉大諫從温公學温公

教之誠曰自不妄語始劉公篤守其說及諫

洛州司法時運使吳守禮至州欲按一司戶

賊以問劉公公對以不欺吳遂去而公嘗心

自不欺足謂此人實有賊而我不以誠告其違

温公教乎後因讀揚子選礙通諸理始悟邪

處在礙會

避以通之

劉公見賓客談論踰時體無欹側

馬大年元

錄序

操木

力行七年而後成自此

言行一致表裏相應遇事坦然常有餘裕行

孟及○附錄朱子曰劉大諫從温公學温公

教之誠曰自不妄語始劉公篤守其說及諫

洛州司法時運使吳守禮至州欲按一司戶

賊以問劉公公對以不欺吳遂去而公嘗心

自不欺足謂此人實有賊而我不以誠告其違

温公教乎後因讀揚子選礙通諸理始悟邪

處在礙會

避以通之

劉公見賓客談論踰時體無欹側



光一

側坐而不傾側必貴人也故觀人之坐起可以知人之貴賤

呂氏

徐積仲車初從安定胡先生學

標題積字仲車既冠從步

童蒙

往從安定先生時門人踰千人以別室處之

仲車父羅城君早棄家不知所終盡孝於母

父名石終身不忍履石及御石潛心力行不

器宋徽宗政和六年賜謚節孝

復仕進其學以至誠為本事母至孝自言初

見安定先生退頭容少偏安定忽厲聲云頭

容直某因自思不獨頭容心亦要直也自此

不敢有邪心卒謚節孝先生

謚音示○附錄朱子曰這様人

都是資質美所以如下撥便轉終身不為

光二

文中子之服儉以絜無長物焉

長音仗冗長之長

子事君篇

羅錦繡不入于室曰君子非黃白不御婦人

光三

則有青碧

柳氏家訓

柳玘曰高侍郎兄弟三人俱居清列

標題高侍郎二

人玘字翹之翰林學士銖字權仲給事中錯字翰金禮部侍郎

非速客不二

羨哉夕食齒膏飽而已

羨側吏反齒下沒反齒音苞

光四

異熊氏曰家訓作予舊府高公兄集

温公

李文靖公治居第於封丘門外廳事前僅容

文廳通作

旋馬

公名沆字太初洛州肥鄉人宋真宗朝同平章事至景德終謚文靖○封丘汴



听

京城門名古封父或言其太隘公笑曰居第

之丘也有封丘縣當傳子孫此為宰輔廳事誠隘為太祝奉禮

廳事則已寬矣

光五

張文節公為相自奉如河陽掌書記時公名

家範

又訓字用晦滄州清池人及第授解州推官定武

儉文

節度掌書記天聖二年同平章事終于位謚

公孫

文節河陽所親或規之曰今公受俸不少而

弘漢

今孟州自奉若此雖自信清約外人頗有公孫布被

武帝

之譏公宜少從眾公歎曰吾今日之俸雖舉

特為

家錦衣玉食何患不能顧人之常情由儉入

丞相

位三公

汲黯

公奉

曰弘

祿多

奢易由奢入儉難吾今日之俸豈能常有身

然為

豈能常存一旦異於今日家人習奢已久不

布被

能頓儉必至失所豈若吾居位去位身存身

此詠

亡如一日乎

也弘

温公

謝有

温公曰先公為郡牧判官

之

温公之父名泄字

温公

和中陝州夏縣人

訓儉

舉進士主事永寧簿再任光州光山令生温公

文

因名光仁宗天聖中為羣牧判官後為天章

光六

閣待制歷鳳翔河中同客至未嘗不置酒或

光六

杭號晉六郡贈温公

光六

三行或五行不過七行酒沽於市果止梨栗

光六

棗柿肴止於脯醢菜羹器用糞漆當時士大

光六

棗柿肴止於脯醢菜羹器用糞漆當時士大



夫皆然人，不相非也。會數而禮勤，物薄而情厚。薺音慈，數音朔。近曰：士大夫家酒非內法，果非遠方，珍異食非多品，器皿非滿案，不敢會賓友。武常數日營聚，然後敢發書，苟或不然，人爭非之，以為鄙吝。故不隨俗奢靡者，鮮矣。嗟乎！風俗頹弊如是，居位者雖不能禁，忍助之乎？考異耶律氏曰：果非舊本，作果肴非。數日本文作月。

溫公曰：吾家本寒族，世以清白相承。標題按：神道碑云：晉安平王孚之後，司馬陽葬陳州夏縣，涑水鄉子孫因家焉。溫公生於宋真宗

七  
訓  
儉  
文

天禧三年，初以父任為將作監主簿。仁宗寶元元年，呂溱榜中進士，甲科。元祐元年，拜左僕射，門下侍郎，即。是年九月，膺溫國公。吾性不喜華靡，自為乳兒時，長者加以金銀華美之服，輒羞赧棄去之。年二十，忝科名，聞喜宴，獨不戴花。宋閱寶八年，始宴進士，瓊林苑。太平興國二年，賜於元呂蒙正等宴，其後新進士例，賜宴於禮部貢院，名聞喜宴。同年，曰：君賜不可違也。乃簪一花，平生衣取蔽寒，食取充腸，亦不敢服垢弊以矯俗干名，但順吾性而已。纂疏葉氏曰：衣食所以適身，求其濟足矣，固不當失之。華靡亦不必失之。指弊但安其素分，順性所安，可也。

年二  
十本  
或無  
年字  
充腸  
一作  
充腹



九八

汪信民嘗言

汪革字信民撫州臨川人號青溪居士呂居仁集江西宗派詩

呂氏師友雜志

以豫章黃太史為宗信民等皆其派也

人常咬得菜根則白事

可做胡康侯聞之擊節嘆賞

附錄朱子曰學者須常以志上

不忘在溝壑為念則道義重而計較死生之心輕矣况衣食至微未事不得未必死亦何用犯義犯分役心役志營營以求之耶某觀今人因不能咬菜根而至於違其本心者衆矣可不戒哉

右實敬身

二十八條京兆李氏曰實敬身二十八章首二十四章實

心術之要次七章實威儀之則次一章實衣服之制後六章實飲食之節

建安後學何

士信輯錄

標題註疏小學集成卷之十 終



永樂元年春二月

殿下謂左右曰凡欲為治必須博觀典籍

然後可以窮理正心而致修齊治平

聖習之效也吾東方在海外中國之書罕

至板刻之本易以剜缺且難盡刊天

下之書也予欲範銅為字隨所得書

必就而印之以廣其傳誠為無窮之

利然其供費不宜歛民予與親勳臣

僚有志者共之庶有成乎於是悉出

內帑之資

命判司平府事臣李稷知申事臣朴錫

命右代言臣李膺等監之軍資監臣

姜天澤長興庫使臣金莊偁代言司

注書臣柳美壽寧府丞臣金入民校

後



書著作郎臣朴允英等掌之，又出經筵。古注詩書左氏傳，以為字本自其月，十有九日而始鑄，數月之間多至數十萬字。恭惟我

殿下

濬哲之資，文明之德，萬機之暇，留神經史，孜孜無倦，以濬出治之源，而闡修文之化，思廣德教，以淑當時，而傳後世。拳拳焉為鑄是字，以印羣書，可至於萬卷，可傳於萬世，規模宏大，思慮深長。如此王教之傳，聖曆之永固，當並久而彌堅矣。是年後十一月初吉，推忠翊戴佐命功臣正憲大夫參贊議政府事判禮曹事寶文閣大提學知經筵春秋成均館事吉

昌君臣權近拜手稽首敬跋

鑄字之設，可印羣書，以傳永世，誠為無窮之利矣。然其始鑄字樣，有未盡善者。印書者病其功不易就，永樂庚子冬十有一月，我

殿下

發於宸衷，命工曹參判臣李藏新鑄字樣，極為精緻。命知申事臣金益精左代言臣鄭招等監掌其事。七月，閱月而功訖，印者便之，而一日所印多至二十餘紙矣。恭惟我

殿下

大王作之於前，今我主上殿下述之於後，而條理之密，又有加焉者。由是而無書不印，無人不學，文



教之興當日進而世道之隆當益盛矣視彼漢唐人主規規於財利兵革以爲國家之先務者不啻霄壤矣實我朝鮮萬世無疆之福也永樂二十年冬十月甲午正憲大夫議政府參贊集賢殿大提學知經筵同知春秋館事兼成均大司成臣卜季良拜手稽首敬跋

殿下

宣德九年秋七月  
謂知中樞院事臣李穡曰卿所嘗監造鑄字印本固爲精好矣第恨字體纖密難於閱覽更用六字本重鑄之尤佳也仍

命監其事集賢殿直提學臣金墩直集賢殿臣金鎮護軍臣蔣英實僉知司譯院事臣李世衡議政府舍人臣鄭陟奉常注簿臣李純之訓練觀參軍臣李義長等掌之出經筵所藏孝順事實爲善陰騰論語等書爲字本其所不足

命

晉陽大君臣琛書之自其月十有二日始事再閱月而所鑄至二十有餘萬字越九月初九日始用以印書一日所印可至四十餘紙字體之明正功課之易就比舊爲倍矣恭惟我聖學無厭萬機之暇潛心載籍思欲便利於用廣布於下俾人人皆得以

殿下

聖學無厭萬機之暇潛心載籍思欲便利於用廣布於下俾人人皆得以



講明焉凡再變而鑄字之文尤為盡  
美誠我朝鮮萬世之寶也哉宣德九  
年九月日中訓大夫試集賢殿直提  
學知製教經筵侍讀官臣金鑽  
拜手稽首敬跋  
正統元年五月日印出

金鑽  
事覽  
出李  
下  
實  
命

朱子嘗言修身大法小學書備矣義  
理精微近思錄詳之二書之切於人  
倫道學而不可不講也如是惟我  
殿下慨念世之學者率皆忽於明善誠身  
之學而徒務於涉獵記誦之末  
思欲廣布是書以祛茲弊顧其舊本間  
有誤字廼  
命臣汶雙臣汶校臣汶謹考羣書參其同異  
凡諸改正闕疑悉受



睿斷仍

命鑄字所模印頒賜俾人人讀小學書

以正其操履讀近思錄以識其明庭

思而不迷於所從嗚呼我願其書本問

殿下尊崇正學維持世教之

意至矣正統元年六月日奉訓即集

賢殿副校理知製教世子左司經

臣金文拜手稽首敬跋

未下嘗言於良大夫小學書附矣

小學之書切於人倫日用而其註解

未有若集成之明備者也宣德四年

夏五月

殿下出經筵所藏一本俾鋟梓于鑄字所

命左代言臣許誠監其事三閱月而功

告成與五經四書性理大全板本同

置板堂使人人得而印之以廣其傳

恭惟我

殿下停典敷教汲汲於風化之



心嗚呼至哉

宣德四年己酉秋八月 日通政大

夫集賢殿副提學知製教經筵侍

講官臣鄭麟趾拜手稽首敬跋

命式升言曰皆矯益其車三國月而

與下出益益流藻一本外是林于

夏正月

未

小學之書凡欲風月庄左衛門新刊

萬治元年 戊戌 仲秋吉旦



Handwritten notes or signatures in the bottom left corner.



心鳴呼至哉

宣德四年己酉秋八月

日通政

夫集賢殿副提學知製

教經筵

講官臣鄭麟趾拜手稽首敬跋

萬治元年戊仲秋吉且

風月庄左補門新刊



Handwritten signature or inscription in black ink at the bottom right, partially overlapping the seal.



